

Fasnacht 1964



Pfluderi-Asyl

Alti Pfluderi

Sujet:

Zum **6.** mool

Alles Hohli Versprächige

Sit däm as d'AHV bestoht
hoffe mr, dass es uns besser goht
doch simmer bis hytt in dr Hoffnig blybe
denn d'Ränte sin und sin nit gstyrge
noh wie vor mic-mer ainewäg
immer no uff d'Arnepläg.

D'Ränte fir dr Ibergang
me weiss es no, s'isch nonig so lang
die hänn, mr hänn's hinter d'Ohre gschrybe
d'Schaabe nit uss em Ranze verdrybe
immer hämmer, me ka's nit vergässe
miesse dr Kitt ab de Fänschter frässe.

Dr Bund luegt allerdings nit numme zue
er mecht fir die Alte scho ebbs due
er macht Revisione am laufende Band
doch d'Spatze pfiiffe's im ganze Land
s'sin alles hohli Versprächige blybe
si hänn y's no nie dr Kohldampf verdrybe.

Scho fimf mool sin d'Ränte hindredry g'hungge
und jedesmool het's y's e bitzli meh g'stungge
uns im Asyl goht's halt wie de maischte
nit emool e Zwaierli kasch dr laische
s'isch zem abseggle, diemer finde
wenn d'immer s'Gorsett muesch änger binde.

Isch's nit bedängglic im Schwitzerland
sin die Almose-Ränte nit e Schand
sait me däm soziale Staat
alli Tag droggene Härdepfelsalat
vo Angge und Weggli darfsch numme draime
dä kasch nit bringe, dä glemmt doch naime.

Jetz isch me zur säxte Revision gschritte
es sell jetze meh gäh als bis hytte
's hett's Parlamänt bim Gwisse paggt
well's vom viele Pulver fascht d'Kasse verjaggt
was kunnt, sig nimme mit friehner z'verglyche
me will y's Honig um d'Schnaigge stryche.

Mir im Asyl glaube nimme dra
verzellet ihr das im Fährimaa
d'AHV-Ränte längt nie zum läbe
wenn d'nit no ebbs verdiensch dernäbe
mir hänn das alli scho längschens begriffe
dä het d'Grossmamma scho uff em Nuggi pfiiffe.



Am Fasnachtszyschtig muesch unbedingt an d'Ladärne-
Usstellig in d'Muschtermäss.

Si isch offe vom Morge am Nyni bis Zobe am Elfi.

Buchdruck Anilndruck Böhmler Basel